

Latit. Gr. Scr.	Longit. Gr. Scr.	52 INDEX GEOGRAPHICUS.
43. 0.	77. 30.	Gehon fluuius inter eos, qui è Paradiso terrestri egrediebantur, Gen. 2. v. 13. Et nomen fluvii secundi Gehon: ipse est qui circuit omnem Terram Æthiopiæ.
32. 22. $\frac{1}{2}$	67. 10.	Gelboë mons in Tribu Isachar, in quo Saül & Israhelita fugerunt ante faciem Philisthiim: & ceciderunt interfecti in monte Gelboë, & tres filii Saül, Jonathas, & Abinadab, & Melchisua cæsi sunt, & Saül vulneratus corruit in gladium suum.
31. 9.	66. 14.	Gelo. V. Gilo.
32. 35.	67. 40.	Genesareth. V. Mare Galilææ & Cenereth.
31. 1.	65. 37. $\frac{1}{2}$	Gerara. Genes. 10. v. 19. Factique sunt termini Chanaan venientibus à Sidone Geraram. cap. 20. Post Sodomorum everisionem, profectus inde Abraham in terram Australem habitans inter Cades, & Sur, peregrinatur Geraris, suamque uxorem vocat sororem; Abimelech Rex in Geraris eam tulit, statimque intactam Dei jussu reddidit, & Abrahami precibus tota Regis domus sanitati restituta est. Mansit etiam Isaac in Geraris, Genes. 26. v. 6. & seq. ubi reprehenditur à Rege Abimelech, quod Rebeccam uxorem suam, sororem esse dixisset: Et Pastoribus Geraræ cum Pastoribus Isaaci multoties pro Puteis jurgantibus tandem Abimelech & Isaac fœdus percussere. Torrens Geraræ est eod. cap. v. 17. 2. Paralip. 14. v. 12. Exterruit Dominus Æthiopes coram Asa & Juda: fugeruntque Æthiopes, & Zara eorum Rex cum decies centenis millibus, v. 13. & persecutus est eos Asa, & populus, qui cum eo erant, usque Gerara: & ruerunt Æthiopes usque ad internecionem.
32. 31.	67. 50.	Gerasa, Geraza, Gergesa, urbs ad Orientem Maris Galilæi, ex qua Gerasenorum regio apud Matth. 8. v. 28. Marc. 5. v. 1. Luc. 8. v. 26. & 37. Sic enim constanter legitur in Latina Versione, ubi variant Græca Exemplaria, & Gergesenorum aliàs Gerasenorum, & Gergesæorum legitur apud Math. Gadarenorum apud alios: ex quo alii unicum voluerunt locum ex Gerasa & Gadara: alii fortèque melius geminum, i. cum utriusque loci meminerint Josephus, Ptolemæus, Stephanus, aliique. In regione vicina, & quæ ab alterutra nomen fortitur Jesus Dæmonum legionem ab homine ejecit, & Dæmonibus ipsis petentibus, ut in porcorum gregem ingredi liceret, permisit. Ex ipsis Evangelistis.
32. 30.	67. 49.	Gergesæi ex Genes. 10. v. 16. inter filios Chanaan Gergesæus quintus est. & 15. v. 21. Gergesæi sunt inter populos, quorum Terram semini Abrahamæ promittit Deus. Deuter. 7. v. 1. Gergesæum cum aliis septem gentibus se deleturum ait Deus: Hethæum scilicet, & Gergesæum, & Amorrhæum, & Chananæum, & Pherezæum, & Hevæum, & Jebusæum, septem gentes.... Eisdem repetit Josue 3. v. 10. Deus in medio vestri (Israhelitarum) est, & disperdet Chananæum, & Hethæum, Hevæum, & Pherezæum, Gergesæum quoque & Jebusæum, & Amorrhæum: iterum 24. v. 11. Amorrhæus, & Pherezæus, & Chananæus, & Hethæus, & Gergezæus, & Hevæus, & Jebusæus: & tradidi (ait Deus) illos in manus vestras. 1. Paralip. 1. v. 13. 14. 15. 16. filii undecim Chanaan repertuntur, inter quos Gergesæus etiam quintus est. 2. Esdræ 9. v. 8. sex tantum repertuntur: Chananæi, Hethæi, & Amorrhæi, & Pherezæi, & Jebusæi, & Gergesæi. Hevæi hic omittuntur, qui fortassis à Caphtorim jam dispersi hic illic elapsi erant.
30. 0.	63. 30.	Gessen Terra in Ægypto, quam Joseph patri & fratribus suis ad habitandam promittit, Genes. 45. v. 10. & 46. v. 28. & seq. Patri occurrit Joseph in Gessen. 47. v. 1. Joseph ait Pharaoni de Patre suo & fratribus: Ecce consistunt in Terra Gessen, v. 6. Pharaon ad Joseph: trade eis Terram Gessen, v. 27. habitavit ergo Israhel in Ægypto, i. in Terra Gessen, & possedit eam. 50. v. 7. & seq. ascendit Joseph cum fratribus suis, abs-